

北
魏
經
緯
錄
附
小

王舍人哀輓錄

從侄仲舒輓錄附刊

樂成金丹題



王舍人哀輓錄

共 1 冊 存 1 冊 排架號

10826

王公川璫遺像



(內保久太設局) 印局本務安瑞

宣統庚戌季夏月
瑞安務本局石印

中書雪博王君小傳

中書舍人雪博王君卒余既誄以哀之其子緝
臣復抵余曰李父行義既蒙公與洪公執事大
凡而為學之次第不幸遺書未就孤孫幼穉他
日長成恐無以窺先人之志公李父友也然別為
家傳其所以不死我李父者益厚無已嗚呼舍人
之學之自得於心有不可縻諸文字者固非志激
所鮮知其為醫之志志激年未或親聞之也
亦不可無傳也舍人姓王氏諱思植字雪博晚號
拙道人先世自閩赤岸遷瑞之城虹橋由虹橋

而水心而居河遂為后河王氏稱步扶為曾祖
 變祖肇業有德德父福屋疎財仗義善為地方
 大慮舍人垂慈有至性事嫡母甚孝年十八補
 學官弟子負即為達者所器重父病益欲殆
 母鄰宜人請禱舍人輒謂此曰為人子而不知醫焉
 足以事親遂專精醫學自內經傷寒金匱外
 朝各家之方集無不尋得參攷而於金石性木
 之形狀氣味功用猶辨別精詳我邑近數十年
 未所見善醫者多讀書者蔡榮波先輩外惟
 我友陳塾廬最為法術而舍人之學亦可謂

繁稱博引者矣泰西醫典偏於西者極載中西醫之
 誤而膠柱中者亦無不訛西醫舍人亦精西學嘗
 言唐宋以後醫學頗歧近惟西法發明詳形而
 而略氣化以得粗遺精也其言甚有理余嘗見
 邑輕滑少年漂泊外洋數月略讀一二西字西
 藥歸輒高標揭自稱醫學專家妄訛黃帝
 神農以未我國之醫無書不謬無藥不誤而不
 知其家人母妻年未大病獲更生於中醫中
 藥者皆余所目覩者也嗚呼不先讀書安能
 知醫不通中醫安後西藥化如舍人者真可

謂生學舍中於西也。舍人為人善談而紆斷
多財而好施。內友於兄弟而外好交游。人有善
稱述。惟恐不至。有過輒覆掩之。其為醫也。不
高。却價尤善。於外科之學。古丸丹藥。不惜貲
備。以濟人。於是益德。舍人室中。自晨至夕。未嘗
無客。與客談笑。婉婉。窮日夜入其門者。皆與交
密。持印強。後其文章。質實。有義理。宣統元
年六月五日。以肺疾卒。年五十一。子一先。舍人亡。無
出。以伯兄子之次子為孫。嗣方。舍人之初病也。余
方監醫學於郡。及歸。而視舍人。則舍人已病。

危。不計。之。與。舍人。交。命。年。見。舍人。枕。藉。中
西醫書。不下數十種。間常翻而閱之。其煩保
疑義。幸。皆。朱墨。有。注。此。必。有。一。二。之。著。述。可。以
傳。世。惜。余。未。及。見。此。有。續。學。善。文。之。此。子
緝。臣。在。他。日。當。就。集。而。成。之。

池志徵撰孫詒澤書



誄辭

維宣統元年六月五日 王君小樸先生以疾卒於里第越月某日 君之老友洪炳文作哀辭以哭之并序 君之言行遺事以告於世不以不文辭 君少時讀書聰穎好學湛思思之弗得弗措也其尊人鍾愛不責令多讀而 君力學如故未弱歲即遊庠頗不善帖括之學越數歲瞿宗師科試 君以礦學策問余對為宗師激賞擢高等食餼未幾即援例貢成均每慨士人埋頭伏案日事舉業其於中外之情形晚近之時局懵然無知當道以是求才

如此之才果足恃乎文甚然其說是時君落之寡
交惟文過從獨密登樓促膝語不為人知嘗與文言
方今外洋製造日精政治日上經畧日遠吾國事
落人後為患實紀淺鮮欲明列強之形勢必觀外洋
之繹籍因聯同志立社釀貲購西書更番輪閱歲以
為常又以古時制作器物諸家著述散見於欽定
圖書集成中是時點石齋書新出版復約同志合
購獨君一繙閱之由是一事一物皆能推究其所
以然而不為模糊影響之語持之有故言之有理辨
者不能屈時邑中人士無談新學者君實為之

倡且言異日西法必浸興不可不預為講求蓋在二十餘
年事也至今日君之言乃大驗人以此是服君之
識初君十五齡時其尊人大病遂習醫病尋
愈自是益致力方書潛心玩索久之所業益進術兼
內外科而不守一家之說稍為為人診輒應手愈十
年以來道乃大行求治者踵相接戶限為穿日診
一二十人來乞方者尤夥積紙盈寸俄頃而盡親友
數十家有疾時皆以君為安危文每往候君座
客常滿室無坐處已不能如昔時一二人之縱談新
理也其用藥也或不師古法而以意通之嘗有傭媼
手為貓嚙

傷文往詢藥君曰以猪肝敷之文曰此成方耶
君曰否聞人為虎傷用此可治虎貓同類且姑試之
已而果愈其治而尤喜用新理以補中法之不及用
病神悟多類此而尤喜用新理以補中法之不及用
西藥以助中藥所未備以中醫為體以西醫為用不
知者以為君專尚西法殆未知君之深者也蓋
君之學問皆從體驗而出於醫理為尤精西人於人身
之構造臟腑之功用皆由解剖而憑目驗是以君信
其說用之而有效人以是服君之學君心地慈祥
尤以利濟為懷醫不受金極貧者或助以藥資邑善
堂嬰多病無良醫君擬延郡西醫設肆城市堂助
以費療病嬰並為人施醫卒以費絀而止每歲捐穀

陳

一千五百斤為種痘費又捐園十畝田數畝充堂產
凡為育嬰計者至周且備義渡輪值同人公推君
督造船船中物料匠各自為別名甚鄙俚君能
一一記而詳述其所用匠人驚服不敢欺故所造獨堅
緻光緒辛卯君監修文廟并髹飾應鼓祝故
之屬文因是約同人釀貲製器既成君又捐鑄編
鐘一面自以不習樂律辭不與甲午庚子辦團防並
備城守眾推君精審界君督工所製炮架軍械皆自
出新意斯利用器精而價廉蓋君平日早留心兵
法軍器諸事故求有素故所造獨精發火糖多命

中武弁稱其能丙申丁酉 君倡議方言學堂及學
計館為邑人士從事新學之基礎本社通濟宮蠹
朽就傾 君捐洋三百元為之倡他如農學冬防護
火平糶興學諸事 君皆樂捐不少悌人以此服
君之義 君性孝友事親無少忤嫡母病 君為
喂藥藥性熱齒為之損遂蚤落 君嘗與 文言人多
未之知親歿居喪盡禮而奉生母尤謹終鮮兄弟待
從昆仲及後子甚友愛長女適項氏早寡次女字許
茂材 養順 文錫也及笄而卒茂材留東洋 君歲任
其費學成為杭州法政學堂校長皆 君之力也又

以從女歸之撫之如已出 君性情曠達高致嘗與
同志購一湖舫每用之以探梅觀瀑體羸多病每以
不免常遊為歎 君元配陳孺人舉一子相繼亡繼
室薛生一女側室蔡均每出入或以嗣續為言 君
不以是為戚也閱報章知國事艱難外侮滿至
每太息欲泣下蓋 君之所憂固有其大焉者矣夫
天倫之樂家庭之慶人多完全 君獨缺陷天之
厄 君何其至於此耶報施之理又安在耶 君
之卒也無親戚遠近聞者皆為之嘆息戚友弔唁
致祭云虛日城東城南里人製匾額輓軸公送者

一百餘名 郡尊吳公 邑尊朱公同 君義行
亦致賻挽嗚呼即此可見直道之在人心雖有財勢
不能招而致也世之橫加訾議者知之亦可以自返矣
方今 朝廷受法自強帖括已廢崇尚新學凡
能製新器可為軍事實業之用者例有獎勵
君自以僻處海隅交通未便招工購料事之掣肘
又為醫事所累年來英華消阻已不能如昔時之
多精矣而世之稱 君者率以醫而謂能知 君之
志乎哉此文為 君惜而不僅為 君惜也序竟復
系以詞詞曰

陳四

古語云皇天無親嘗與善人以觀于 君獨不解古
古之所云 君之好行其德人無不欣樂善好施
天胡不同人集於菟已集於枯何以獨厄之 君
雖天地為逆旅富貴如浮雲想 君平日決不以是
為羨歎而他人怨 君之遇每代事夫怨呻或謂
君學務其粹理求其新不乞靈於冥漠不迷信
乎鬼神宜其一生困阨乃不得食報之原因此則
俗人之謬說俗語之氓楚 君在九原豈以此為斷
斷 君開訃之時慕義之倫皆來哀輓拜奠躬
親屈抑於生前而揄揚於身後可想見其平時

譽滿鄉里澤流榆枌雖強有力者豈能希冀其萬
分抑天道之好還久屈者必大伸是則三代之直道
傳類之感恩出於人心之同然天性之率真異時降
福不於其身於其後昆孫曾之世亦昌而熾高大其門
昔之為君抱屈者亦無所用其憂塵是為報施
之正理此第為君祝者之殷之後之覽者將有
感夫斯文

洪炳文

宣統紀元之己酉六月五日壬午中書科中書醫
士雪博王公以疾卒於家春秋五十有一我邑人

士識與不識莫不咨嗟太息曰善人沒矣嗚呼志激
識公久矣自光緒壬寅城北移居城南始與公往來
其時余同院張君煜卿患失榮余每視煜卿公云
不在焉診脉視藥一似已重有憂者迨煜卿死公
又與之交後事善家計送死養生義至仁盡然後
知公肝膽人也公有女昔病咳公嘗邀余治與余談
肺症之原因用藥之重輕以及中西治法之同異皆
能尋常讀書醫士所可能余於是益與公密凡有
疑症別藥無不請問於公公知之無不告余幼孫
痘後癰腫頗險醫者多用升提猛劑公獨謂小

子氣體薄弱又加痘後元氣未復須緩治非月餘
不為功公日來敷藥其體帖恩勤能令三歲赤子
怡聲悅色不知病痛之苦噫何其仁也公殷厚望族
自祖父以來地方大慮若文廟義渡育嬰諸善政
公家無不先為之倡公克承先志又加而勉之公每
早未起求醫者遍坐公起一一診視無厭難色雖寒
暑風雨單門隻戶有求者必赴診甚至貧者助以資
濟以藥余於是益欽公慕公而人亦無不以是德公
也今年春公患肺炎余方監醫學事於郡頗未知
其後稍歸兩視公公家僕婢皆以公方卧辭余旋

味六

以事復郡所以公病百餘日其初余並未與公見一面
一參病狀而不知公之病果可醫果不可醫者也迨
至五月二十四日公戚管君仲凌以書來曰雪博病
重望君視君速來余即掉小舟回里則見公瘦骨
失音食飲難下咽勉扶坐與余數語診脈數大而
空視其苔則煤濫作藍色噫肺火燄金胃濁盛
無生氣次日余又以事反郡迨再歸望公則公已
手掣目瞑不能言矣大聲呼公者數公強目斜視
若有知若無知次日即逝嗚呼然哉今夫人固有
一家不可死一族一邑不可死天下後世不可死公

年甫中壽上有老母下有寡妻弱媳幼女穉孫固
為一家萬不可死之人輕財好施處事敏達待人
信義更為一族一邑不可死之人而其抱張長沙憫
世之志博採東西洋藥物之學補以中醫所不及
著書立論欲垂之天下後世豈死更為天下後世不
可死之人而竟死耶嗚呼天乎命乎人笑之耶抑數
止斯耶藥以誤耶其亦可憾也耶爰為之誄曰
六月五日白雲掩天竹霞之東醫星隕焉隕者孰星太
原公子藹之中書言容行止元明以降黃道終岐
公彥斯業合中於西儒者素願濟衆博施希文

謝
藥

不幸降志於醫憶昔與公聯牀風雨落月三更賓
朋滿叙公之文章旋規折矩公之議論如水融乳
何善莫報蒼昊夢之白雲燥火喪我良工古人有
言生寄死歸生而為寄雖死奚悲惟公正直邦人
是頌哀切乎哀能無惜痛公生我友公死我哭公去
何之庭空草綠

池志澂



祭文

詞曰君之卒月已更矣流光何其迅哉凡人生而無
益於人者可以死其有益於人者不可死凡論聖賢
豪傑享大名成大業者皆視其益人之淺深廣狹以
為等差其論山澤之文膠庠之士也亦並故生而
益人多者其卒也人之惜之也多其有抱益人之心
修益人之業且求越乎古人以為功而所業未竟所
施未廣而卒者人之惜之者尤多如君者乃其人也
君之生平孝弟修於家庭慈惠稱於鄉黨忠信
昭於友朋足以挽薄俗式後生以儒行論益人已

不少矣君方自懼其施之隘也棄考据舍詞章屏括帖而從事於素問靈樞之書思以方術濟人為之數年醫效大著屢起沉疴君又欲然不自足也于歐美各洲之國考罔不研其藥物罔不蓄候氣聽聲察脈之器罔不備且習心之所注目之所營直謂中國數千年来黃帝岐伯之著述臆度懸揣而未得其真張劉李朱之師承沿訛襲謬而未得其正欲竊取海外之奇術匡救而彌縫之振中國之醫學拯中國之生民雖其事未必必其志為何如志乃限於天年而不克竟其施焉豈此

君之憾也哉吾於是知君之身有盡而君心之用無盡其卒也心之靈固不死必不隨形軀而滅也古人有言生而明聖沒則為神如君者雖未必為明聖雖未必得為神然知其魂魄之清明不與尋常庸俗之鬼物為儕伍幽明雖睽其理則一可以推度得之而稍為君慰者也彼第以顧路子夏之往事悲君者猶未達鬼神之情狀也可懼者吾邑志士固無幾人君亡而志士愈希矣吾邑東瀕大海西北阻以高山風氣之至後於他郡然西學之將興也吾邑之先得風氣者有三士焉林君祁生周君元

恪及君也祁生欲覘西洋各國強盛之所由故習其典章制度元恪欲以步對為外交之用故習其文字語言君則以民命為急故究心其醫學三君之所為皆立朝制未改科舉未罷之先紀今之誘於利祿而起者比所謂豪傑之士無文王猶興者也校而論之君之為用似不若林周二君之大然用大而無其權未必獲益用小而權在已其益人也最闕君所以不以彼易此也林周二君以年之不能不能展其用君為皓首難殫之學而僅得中年天之於志士也阨之若此此則理之不可推度者不

能不同聲一慟為當其阨者惜也尚饗

洪錦

淮錦標胡調元胡兆崧
瀾錦騏項方倩項鴻熙

嗚呼古人有言死生亦大矣夫死固人所不能免也即聖君賢哲忠臣義士與夫愚夫愚婦慨不能逃乎死生之外者也苟達於生寄死歸之理夢幻泡影之喻學佛氏之尸解同道家之坐脫三灾八難至此都消况安接亂之世紀熙々然煦々然可以樂堯天而登人壽國喪未期年新君方在抱外迫於強鄰內訌於伏莽不若乘自由之車至極樂之國孤鶴逍遙間雲自在遺形骸而游冥漠豈不大可

幸耶嗚呼吾甥之死適值其時無可怨亦無可恨也雖然甥之死固得其所觀甥生前未竟之志與友身後未了之事不能不重為汝怨也汝自陟岵陟嶠以後血泪班班慘無天日幸而生母在重妻子固宗家庭之幸福猶得享矣不謂丙申歲遽抱悼亡之戚南華血泪潘岳哀思愁雲慘月苦雨淒風大傷中饋之無人米鹽零落孰主持之况汝天性至孝不忍以家中瑣屑之事上累高堂故期年以後鸞膠即續矣然天心夢之奇厄善人月缺甫圓而思子之臺又構造而成矣故汝思之深

痛之切西河之恨故劍之悲交集於一身滿腔鬱鬱塞萬斛愁思每向無人處而偷灑耶加以長婿不祿次女又殤而仲兄季弟又復相繼淪亡故比年以來境益厄而心益苦心益苦而志趣益不樂其胸中無告之苦無所發洩即偶有臨風對月慷慨悲譌以鳴不平無聊之氣自旁觀視之頗覺喜形於色而不知汝發於外益傷於內形於聲益觸於心每當一晝一夜一事一物一風一雨一月一雪隨時隨地無不啟汝之憂思而增汝之煩惱耳凡此積憂成癆積癆成疾而汝之命畢於斯矣此特

此也汝天性仁慈不忍以同胞之命見殺於庸醫之手遂取靈樞素問諸書悉心研究旁及西學諸家酌中之古証西之今鑄之鑄之合一鑪而治之出而救世無不著手成春矣以仲宣之弱體抱長桑之妙術尋苓採朮壽世壽人而不知汝之精力有限東西奔走勞於形役所以傷生殞命至於此極未始不自此基也嗚呼汝死矣汝今竟死矣汝竟死矣夫復何詞矣獨念余與汝分則甥舅也誼則賓主也寒來暑往三十年於斯矣猶幸汝之信余而不為外界浮言所左右解衣衣我推食食我歲之出

入汝僅總其大綱而會計細目皆經余手死於汝不疑余即余亦覺扪心無愧也今汝死後余力以會計事屬辭矣深恐有批舐之者必欲斥余而甘心不數日後故不出余之所料而外間之謠言遂起余初聞之憤極而言曰待汝家喪事一畢誓不問汝家事矣而汝之親族某之咸以大義責余雪璞生前不善於汝汝何忍心若此即有一二浮言亦何足恤汝即不為生者計獨不為死者計乎余於是暫理其事矣余深怨汝有七旬之老母三月之繼孫妻妾哭於幃寡媳哭於房而未字之弱息又哭於庭矣後顧茫

茫百端交集不忍以青箱世業委諸無知之手故冒
大不韙之名而暫回汝家事也余年已六十有八矣
人事交遷桑田滄海二十年以前之汝上則享天倫
之樂下則受妻子之奉少年科第意氣元龍無人
不羨之曰是兒有福二十年以後之汝千酸萬苦備
集一身而汝之生命殆為境所累而位之也世事每
常死生有數汝不哭余而余哭汝昌黎所謂少者歿
而老者存顛倒莫甚焉丁茲五七余遣子寶姓以美
一炷帛一束奠汝汝若有靈其能鑒余之微忱乎
嗚呼哀哉尚饗

鄒益鐸

嗚呼 先生之卒可怨也夫上則有老母也下則
嗣孫方幼也內而家庭惟闔與女之已嫁者皆有賴
於先生其未嫁者無論也外而親戚朋友之疾疾
鄉閭族黨之謀議皆有望於先生而賓客之私有
求者更無論矣 先生之卒可怨也夫 怨 閔古人以
生為夢以死為覺謂夢時有樂有怨而覺則無之
信斯言也則 先生之生前有悲 先生之卒後無
悲然 先生雖無怨而見 先生之卒者其怨方無
窮期也夫忠怨如 先生達藝如 先生廉潔退讓
如 先生寬厚持愛如 先生使持厠古人之側

固可以膺推薦致通顯而不幸生於門戶傾軋之時
錐刀爭競之地縱得享耄耋之年諒亦不過閉戶自
處與世無競與物無爭為鄉里之善人以終餘生而
已為問今日之先生有誰不稱為善人也乎先生之
生之身雖歿而名譽之在人耳目間者其即隨而歿
否乎然則生世之修短更何足較而又奚悲雖然怒
獨有因先生而感者即以為先生悲先生之
女我嫂也我兄之娶我季父猶及見之娶未數月
而季父歿矣怒聞季父之在世也忠恕似先生達
藝似先生廉潔退讓寬厚持愛無一不似先生

生季父既歿而我兄亦平門祚衰苒苒未有一姊之
在抱者可以為之嗣焉其命視先生為尤可怨亦
遂不能不為先生怨也哀哉尚享

項 怒

嗚呼節過天中魂遊地下駛電匿影沈月不光菁華
泪于崇朝哀忱起于中夜賦鵬之讖與長沙而皆
忘夢雞之年埒安石而同歲崔中翰之晉秩不名其
官王仲宣之能文終之以命咸金匱之稿脉訣之書
將亡赴子雲之橫魂香之蕪不返嗟乎俞岐盧扁不
能療多病之軀壺嶠蓬瀛未必有長生之藥惟彼蒼

以誰慰假大地而埋憂達士之寄今乃言歸勞人之
生識不如死然而摧千尺之桐竟先撥其枝葉刈百
畝之蕙又遽傷其根茅潘安悼逝之年先亡金鹿
季朝修文之召忽墜玉魚匪朝伊夕掬瓊瑰于盈懷
跼地踏天恨尺蠖之無足拓落寡耦崎嶇損歡封
篋靡覩求膠不歡寃之孀媳上已清之臺裊之細君
並絡秀之節何遭家之不造欲遺世而未能今歲
初夏抑鬱而歿可哀也已悲秋舊舍殉之以身躡
屨冥途欲迷其徑撫人琴而輟響對斗室以長愁
醫門多病竟干造化之靈華屋生存來瞰高明之

鬼天花亂墜神藥空求鄰笛乍起化黃鶴而酸魂生
弱載行以蒼蠅為吊客人之生也死固其所死之為別
乃若是其淒怨乎歌薤露以何時赴蓉城而不返所
謂金谷罷宴玉棺降空任彥昇之撒瑟王子敬之亡
琴千怨萬恨何可勝言一號三呼魂終不復以今况
之增痛靡已既卒之後幾浹一旬如我輩之屬在中
表者乃哭奠之素車白馬同瞻元伯之靈雀桡烏衣
共弔右軍之弟兄及弟兮為位而哭懼幽明之未格
籍文字以通神况我與君不時過从自今以往後會
無期造物於以忌才古人因之歎逝歲等以朱陳之戚

成盧李之親謝舅何甥陪鯉庭而懷舊髯參短簿
對蒿里以當歌人生到此天道寧論以視元行冲之
稱韋述契結煙霞蘇子瞻之待程生親逾骨肉所謂
綿渺衷情不与存亡異見者或有理乎無香不辦
有酒盈尊百尺黃壚向秀之情感舊一行丹旄點
黃之誄盈牋伏異式悲鑒此芬苾尚享

朱實歲
襄

詞曰吾外舅竟長逝耶竟不待甥之面訣而長
逝耶豈公性純孝將以修子職於地下耶豈公
性和愛將以完破鏡於仙宮耶豈公性友于將以

訪仲昆季弟於玉梅而共事修文耶豈公性仁慈將以
覓止兒殤女於冥府而往施顧復耶嗚呼死者固難
忘而生者寧忍棄耶有哭於堂上者白髮皤皤非
公之老母乎有哭於帷中者朱顏慘慘非公之正
室側室乎有哭於空閨者顧影荒荒非公之
寡媳乎有哭於耳房者厥音哀哀非公之愛女
乎有哭於襁褓者其聲呱呱非公之文孫乎更
有哭於荆樹傍者脊鴒在原非公之長兄乎有
哭於竹林下者文龍失水非公之賢阮乎嗚呼
如許眷屬何公竟一往而不之一顧耶公之

疾也。甥聞之矣，而其死也。甥未及知。六月六日日亭午，初行抵鹿城某戚，輒來告曰：君岳家已飭後矣。而甥自揣或得有一面緣也，急買舟，跣傍晚近，郭有家僕待於途，亟詢之。僕渾其詞曰：王公殆已無望矣。甥聞之，淚已涔涔下，然猶有萬一之冀也。入里門，有家素貧窶者，皇皇然走相告曰：一鄉之善士某死矣，顧此後吾輩勿再病且死，不然捨棺濟藥，恐無其人也。有閩心桑梓者，復皇皇然走相告曰：一鄉之義俠某死矣，地方公益捐自此愈棘手，慷慨解囊者今又弱一个矣。有鄉長兩三

輩，正相對歎歔，曰：世情澆薄，友誼日漓，吾知己王君今竟中壽而歿，道義之交愈難言矣。有朋儕四五人亦咨嗟太息曰：年來老成凋謝已寥落，若晨星。今太原先生作古，吾輩益無所矜式矣。嗚呼！甥聞公之訃，音厲矣，祇緣厚惠澤躬，涓埃未報，熟望公生惡聞。公死是以告喪者，雖相屬於途，然猶冀其言之或妄也。何圖升公堂入公室，杖履依然，音容已杳，嗚呼！外舅竟長逝耶，竟不待甥之面訣而長逝耶？至是乃知死者各相聚，生者長相離，哭者之悲，日相聞。告者之言，終相印矣。嗟！西湖返棹，驚春岳之先顏東

床涕零按桐棺而莫見蹉跎似甥其將何以為情耶少頃
太岳母出泣且語曰汝外舅垂死以待者三日餘
矣當有三教言詔汝孫留時且猶呼汝名不絕口而今
已矣已矣及矣甥聞之而哭繼而外姑出復泣且語
曰汝外舅余與妻某氏所依賴以終身者也余
僅生有一女年不滿十齡妻某氏且一無所出今汝
外舅棄余二人而長逝來日方長其何能堪甥
聞之而益哭最後內嫂出而告語曰未亡人既無子
女吾亡夫又鮮兄弟翁疾革時已抱夫嫡堂弟仲
舒君次子為孫孫留前一夕祖孫且相見於室中阿

翁暨亡夫世業付託不為無人矣甥聞之始忍淚而道
曰此公之素志也斯事也去冬今春間公曾與甥再
四道及者也今者百日孝孫三日成服公家大事自
茲定矣公而有靈其亦可以瞑目矣彼無知者之飛
短流長亦何足撼吾岳家軍哉所恨者公去何速
歸又遲甥家無儋石勢難坐食惟冀持升斗以承
堂上歡武林講學垂四年矣日出其所學以示人期
無負前數歲吾公栽培之盛意而已續絃近三載
家居且未及四月弟昆留學將伯誰呼家責獨肩
風塵莫息家食之日少侍公之日亦稀矣孰料生

離半載死別千秋甥之託庇有年 公門兩弔喪天靳
一面緣泰山之頽耶故劍之悲耶看今一夕之哀歌
觸吾六年之舊感海有時而枯耶石有時而爛耶此
情此恨其何能一日忘耶甥之自杭歸也携有袍褂
一襲將以為 公壽何竟不為登堂之獻而為致賻之
儀耶甥之道中歸也又携有汽襦一喉鏡一將以療
公疾何竟不為伐病之媒而委諸篋中之蠹耶來凶
去吉感世事之滄桑觀物思人弥中懷之惆悵當茲
開弔之日吾心憂傷不忍撫拾世俗文藻之語以塗
飾耳目而過事頌揚僅述吾 舅甥二人之情懷以

當奠章維 公有德愧吾無良分居半子高義敢忘
神隸渺々後事茫々善惡禍福天道有常積善之
家必有餘慶報立孫曾厥後乃昌藐焉小子為乃祖
光吾文有限吾情孔長爇香一炷奠酒一觴 公而
有靈來格來嘗嗚呼哀哉伏惟 尚饗

許士

嗚呼天胡奪吾兄之速耶年方大衍遽爾隸真昔
人言陰德陽施皆得享遐齡登上壽今何以異於古
所云青箱無色舊榻封塵誰謂優勝而劣敗誰謂
福善而禍淫誰料五秩懸弧之歲乃即為吾

兄蓋棺之辰里閭薰其德姻黨感其恩即至兒童
婦女無不咨嗟太息隱痛而傷神况本根之同庇更
臭味之相親忽參商而不見曷禁唏噓欲絕愴懷於
子敬之人琴嗚呼兄生穎異資稟逾恆摩頂有石麟
之羨投懷如玉燕之珍迨勝衣而就傅便卓爾而不
羣人中麟角掌上龍文雖多囊裏而思脫穎鶚在林
而懷好音一鶚聲雋三舍矣薰而乃懷才莫展壯
志沉淪駕秋風而厲經鶚若馳雲路而未獲驟騰玉
尚藏而待價金猶未發於錐遂博覽乎九流百氏
潛心於五典三墳淡泊明志老帶莊襟優游家術

寤寐澗盤蓋兄自中年以後早已韜光匿采而但願明
經修行以自善其身粵自泰西藝術精巧絕倫機
械製造日異月新兄以為不明算術藝巧無由見
不精教理智識無由增遂從事於疇人之學凡幾何
與代數靡不寢饋而鑽尋兄夙擅虛扁之術早精
靈素之經中學西學枕藉咸勤求醫者座客恆滿
來診者戶屨常盈既推誠以接物復饋藥而助金不
為良相而為良醫如和風甘雨所至皆春嗚呼兄竟去
矣非惟吾宗之所悲慟實亦鄉里之所傷心兄之至性
孝友共聞兄之厚誼任恤睦姻兄之學術博古通今

兄之處事排難解紛富而好禮稱賢稱能勇於為義
不伐不矜孰可嗣此高躅孰不痛失典型雖然兄之
生也有自兄之去也有因長松千尺靈芝九莖為善
斷無不報家學自有傳薪靈其如在來格來歆
哀哉尚饗

總服弟潤稼

嗚呼我叔之死豈死於病乎死於境也自丙申以
迄己酉首尾十有五年矣無日不在荆天棘地中討
生活也叔母以臨盆而死從弟以肺癆而死從妹亦
以肺癆而死而叔之長壻敏軒又以下痢而死千
酸萬苦交集一身境為心累心為境役此吾叔之

所以死也假令叔母不死而吾叔亦可以不死從弟
不死而吾叔亦可以不死從妹暨叔之長壻不死而
吾叔亦可以不死總之叔母之死、吾叔之遠因也
從弟之死、吾叔之總因也從妹之死、吾叔之分
因也叔之長壻之死、吾叔之近因也有此遠因
近因總因分因合而致之而成死吾叔之大原因也
痛何如之吾故曰吾叔之死非死於病也死於境也
嗚呼叔父今何往矣何忍棄我無父無母之侄而
長逝耶姪兩歲失恃廿九失怙零丁孤苦顧影自憐
血淚班之慘每天日兼之上無胞兄下鮮懷弟影隻

形單自傷薄命幸而伯姪在堂有過規我有疑折
我訓誨周旋愛無不至自我父棄養以後使姪得
以成立者皆伯姪二人力也而我叔尤愛姪最切知
姪最深別室谈心銅盤待我不以姪為不肖曾許我
以放言高論得肆志於長者之前而叔不以姪為
狂每當更闌人靜風雨雞鳴之候嘗與姪論古今人
物慷慨悲歌淋漓盡致又以生平愛惡傾慕之人一
一告我曰某之窮不失節其志可嘉予愛而周急
之某之非善類予每事提防深惡而痛絕之某之一
下流社會人耳其行指在士君子之上并為人所不

能為予私心而傾慕之此數者皆吾姪知人之明耳其
言且為殷鑒而最可憐可慘者其與姪談先塋
之事乎汝為群從長且天性至厚當記予言予年已
半百矣嗣續猶虛將來無論諸姪中之子繼汝從中
為嗣而我之墓并我而奉祀之墓亦不可起而遷
之也風水之說虛誕無憑汝從弟之死無識者咸歸咎
於墳墓此誠不通之論也試問汝弟性質汝弟脾氣
春夏之時秋冬之氣其能克享大年乎無是理也
於墳墓何尤况遷祖宗暴露之骨而求福田利益
於子孫不孝孰甚焉汝能記吾言予死瞑目矣嗚呼

痛哉而今已矣吾姊之聲音笑貌不可得而同矣
吾叔之言論丰采不可得而親矣所僅能記憶者
吾姊平日之遺言耳姊所愛惡者姪必繼而愛
惡之叔所傾慕者姪必繼而傾慕之至先塋之事
誓毋忘吾姊之志終姪之身毋使異議皇天后土
實共鑒之此特此也姪猶有極惡之風潮感觸於
腦際關係吾叔身後之事甚大丁吾姊大殮之際
姪居嫌疑之地不敢言所欲言使庸夫俗子得施橫
議於其口幸叔之次壻養頤君安排一切力非衆
議故其祭文有曰百日孝孫三日成服彼非短流

長烏足以撼吾岳家軍哉此真能定大事矣况吾
叔擇繼已與姪言之屢矣今春三月仲弟又得奉一
男吾叔即有欲嗣從弟之說至弥留之際又以擇
繼之事相囑托予已擇定仲舒之次子毓榛為汝從
弟為嗣至繼書若何汝可為我起草矣不數日後
而吾姊遂不起矣故正式之繼禮遂擱而未行若
謂仲弟貪財產而昧大義此真不知仲弟也抑
以不知吾叔生前之所為也嗚呼當吾叔捐館
之時承重孫尚幼在抱奠酒執杖諸禮均由仲
弟恭代自首七以後仲弟以濕瘟致病皇天不佑藥

石無靈延至月之十三日戌刻又悲不祿矣嗚呼痛哉吾叔生前既受酸辛之境而身後又起寂寞之怨一門之內弥月之外昊天不吊降集百殃使姪上抱竹林之痛恨下起春草之哀思人非草木孰能無情對死弟繼其何以堪我欲哭而泪已乾我欲歌而腸已斷悠悠蒼天曷其有極茲丁未七散以不律之文辭聊述我叔姪二人之情懷而已嗚呼哀哉尚饗

大功服侄宗熙

輓聯

學子表哀情義民懷惠愛公死亦榮獨念濁海滔滔
未日復誰能砥柱
韓伯愈孝行李元忠醫名人言無間惟恨迷途黯黯
昊天忍我失津梁

西南蒙學全校校員

興學具熱誠力任怨勞陶後輩
比問思遺愛應將義行傳鄉賢

西南蒙學全體生

會計曰當而已矣始基美哉憶曩時發起諸公幾經

荆棘芟除日後膏腴冀獲利

田園將蕪胡不歸先生去矣倘地下相逢二仲為道

桑麻零落山中奴婢亦登仙

務農會

誠求保赤為女界留一綫生機捐義粟助義田同事
如君施惠少

療病覓醫若慈母能十分體貼本善心倡善舉羣嬰
從此感情多

嬰堂司事

志梁公志名平棘名藥國藥民不二法門醫之聖

宗淨土宗樂涅槃樂即空即色脫四苦厄佛真傳

西南小學校教員項斯駿

吾公治人溫寒不以溫寒變節參透真如乘物化願
留一點心燈光和明月

後學側身社會難將社會忘情洞識浮生同泡幻羸
得半腔熱血悽咽秋風

西南小學校教員林一同

扶梓鄉百般義舉久決人心至德最難忘雞夢誰知
偏應酉

慕荊州一片英名竟艱半面機緣何太淺鯨生自憾

不逢辰

西南小學教員邵公化

行年纔知命命聽天而為可憐天命靡常竟喪公命
處世等浮生生亦我所欲孰料我生不幸又弱先生

西南小學教員袁致中立

自古聖賢多缺憾

從來良善總全名

西南小學教員劉法道

尚有仁聲布遐邇

傍搜西學紹歧黃

劉祝封

應有頭銜鐫碧落
不堪老淚滴青氈

又

醫門多疾吾嘗信莊叟之言奈一時病莫能名內外
專科俱束手

天道無憑誰得叩碧翁而問嗟及身善未獲報鄉閭
志士盡灰心

洪炳文

談醫此後誰同調

濟世何堪失達人

池志激

良醫乃乏遐齡上壽難期感愴人生非金石
有子竟悲無祿中郎之嗣淒涼身後賸琴絃

何慶輔

外家承愛敬襁褓中寄養內人閱世歷多艱回思授
學成名娶親生子一切皆過眼空花悲深逝水
壯歲擅才能昆季行羣推難弟論年方未艾忍拋母
慈妻少媳弱女孤無自下當頭捧喝香覓返魂

胡福巨

吾甥其死乎閏兩月延醫問疾竟作徒勞看今日幸
有傳人謬謬文孫可望舊榻承謝燕
老夫已耄矣數十年暑往寒來自謂最密痛此後遽
成長別茫茫泉壤更從何處哭王郎

鄒益鏘

醫國醫人持願常與陸宣公范文正抗席
維桑維梓戴德竟偕黃通政孫諮議同榮

章再新

世事復何論劇憐明德達人昊天不吊
前言猶在耳自愧捫心清夜寡過未能

方平章

福善是浮言嗟君累葉單傳羸博三號天不恤
習醫須久道何遽中年下世歐亞合治學難昌

項方積

抱伯道憾中歲苦無兒冷落杏林人去後
誦少陵詩訪舊半為鬼淒涼韶社酒闌時

胡調元

嘆竹巷空餘新月明遺志誰追述授方受金寧非常
例乃吾公翻助藥資斯鄉民羣歌盛德
悲荷香甫送清風遠宿學堪嗟惜治中斥西幾成通

病惟先生無研歐術故醫界率仰良工

孫詒澤

神交已歷廿年規勸若師友親愛若弟昆更兼緩急
相投分我力圭舊雨喜聞行蹠響
隔別甫經兩月問病也未能吊喪也未面自憾索居
已久撩人情緒秋宵怕聽挽歌聲

洪炳鏘

平生蹤跡與公疏每聞衆譽所歸盛德感人應起敬
拯救瘡痍虛鄙願報道先生長逝關懷濟世有誰同
虬通年以來銳意於醫冀拯民命惜以走食奔衣

未克如願每聞公捨金施藥活人無算且又睦姻
任卹不遺餘力仁風高義大深欽佩故雖踪蹟與
公疏而聞公殂逝蓋不能無天喪善人之慨用撰
哀聯以誌景慕云爾

池 虬

君平日回生素擅施醫施藥疾病皆瘳濟衆活多人
忽驚南極星沉後起誰傳扁鵲技
吾小族厄劫屢遭從弟從姪死亡相繼兩家同一哭
更慘東牀琴香昔年蚤輟脊鵠歌

項方昕

名譽遍甌江五十年交友以信接物以和夙知君性
彌堅不失儒生真面目
岐黃精內外數百家醫勿受資貧兼贈藥獨憾天心
若夢空留佳話在鄉隅

金祖敷

著手成春惠溥寒門慚未報
善人多厄歌停同巷慘聞哀

潘懋琪

問候到維摩自云我度衆生散盡天花皆著手
論交懷子敬從此君成異物聽殘鄰笛最傷心

林贊元

活人濟世鄉里具有公評除非是我佛慈悲有斯宏願
製藥保嬰豚犬曾蒙實惠稱之謂重生父母寧曰過情

鄭德馨

五十年小謫塵寰學已名家賢猶濟世搖落竟如斯
倍為大才吊賈董
一百里遠來海曲醫難活命道莫救人分攜何太速
空慚末技愧扁盧

鄭章毅

好客最多情罇酒不空蚤有高風傳北海
學醫終莫遂樞經未讀憾無家法繼東垣

李潤光

締姻從伯氏忝為羣季論交乃賢昆宿草猶新咫尺
門庭又見斷行悲鴻雁
立嗣守遺言差幸文孫在抱奈家政荆榛待理脩譙
牖戶不將式穀長螟蛉

洪錦濤

結文會社作湖舫遊曩時罇酒追隨座無車武子不

樂

著經緯書辨溫熱理今日醫家談論君殆王孟英其人

又

萃時艱家難於一身憂憤窮年何若往生極樂界
統內外中西而兼習慈悲救世惜哉未註活人書

洪錦濂

鄉閭善士一藝已足活人吾嘗意修德之報不於其身必於其子孫孰料火傳薪輒盡
涕淚餘生同病各期相恤君殆謂大患在身我苟無

身我則有何患獨嗟蘭悴蕙奚堪

洪錦標

人生此難餘可期讀昌黎酬贈區劉二子詩每欲對
君雪涕

我傷逝者行自念摠屈平訪問詹尹兩端語更誰話
此牢愁

又

先生以醫學名家再假十年別有醫醫新著述
未暇執脈經問難作賓六月偏多脉脉培相思

金蘊嶽
李公亮

死生不足論可憐白髮慈親後顧靡窮揮老淚
聚散本無常但憾黃泉絕路何時重與話衷腸

楊世環

我心憂傷知交寥落

慨自辛丑以來同志中許丈祝酉林君和叔鮑君
稚琴洪君星卿張君栗頤及公之仲兄志澂季弟
眉叔先後繼逝今又哭公不更悲哉

天道莫測善人不昌

公之盛德鄉人稱道勿衰毋俟環述環尤哀公身
遭奇厄又不假年天之報施其酷如是將何以為

善者勸

又

東野哭子義不勝情堪嗟天道無知端為傷心成永
訣
南皮舊遊懽如泡影太息浮生若夢又揮老泪哭神
交

韓維城

春風煦萬物心誠保赤薦賢曾荷吹噓至今澤及嬰
孩猶有鄭公遺愛在

舊雨垂廿年指授歧黃同學深資啟迪獨憾才如樗

標未傳倉老秘方來

黃保申

知君大憾無他慈母老來須侍養
憐我中年多病先生歸去孰商量

林文澤

故交已卅年記曾雪夜渡江懷少荷深情至今未答
涓埃問心何以自處
人生祇一夢不解善人結局彼蒼多爽報此後若談
因果識者謂其無知

章明申

歧黃濟世功在羣生

公善醫術為人治病多係送診與時醫動索厚資者迥然有別

家產累千金平時好仗義疏財尤多善舉

家族蕃昌憂深義務西哲研究倫理嘗謂吾人有蕃昌家族之義務三月間小兒夭

止默思西哲之言能無愴然相憐有同病愧我帶喪明餘泪來哭

公靈

胡承恩

蓬瀛返棹已在蓋棺時訣別無緣可惜生前慳一面
溯洄著書深得長桑術醫經備錄但期身後有千秋

洪福圻

吾家先世曾以醫名杏雨春風此日無人傳絕學

仁者本心思拯疾苦蘭臺令史他年有傳紀芳名

洪紹聲

平生事業美善難書惟醫學專家垂世大名應不朽
數載親知愛憐倍至痛吾公長逝關懷瘦骨更何人

管瞻雲

天心夢：善人竟結局如斯泪眼看君家賸有老母
七旬懸孫三月
風雨瀟：靜夜話平生舊憾朽才賴活命每念感恩
未報知己難忘

劉青選

滿目盡瘡痍惟先生惠普同胞著手便成春願以良
醫媲美良相

關懷惟桑梓嗟賤子久辭故里開函聞噩耗忍將斯
疾嘆斯人

劉錢選

抱范顧志讀岐黃書每嗟醫學失傳慷慨捐金欲貫
中西參要義
數世知交一朝訣別此後朋儕過我款款話舊應悲
社會斯斯人

蔣冠新
慕嚴

醫學擅名家豈真病入膏肓頓使仙心歸佛界
慈帷已垂暮賴有孫遺襁褓尚堪燕翼慰烏私

陳寶墀

修德獲報為善必昌因果信堪憑家難如君又奚說
濟世多情回生乏術壽夭閔定數人間續命本無丹

吳葆善

母在家妻在房又有弱媳寡居君何撒手獨歸嘆了
堪三世孤嫠長此中庭誰與語
久相聚忽相別恨未躬親問疾我亦抱慚知己奈回
憶卅年同學絕少下榻共談心

項毓芳

懿戚敢自詡蘇程在水一方僦舍近依摩詰宅
善人竟招忌造化我年半百傷心怕過望江橋

程茂芳

戚誼最閤情獨憐老母在堂此別竟成終古憾
蒼天何太夢為數君家善舉傷心競作不平鳴

程憲章

公亦吾邑樊南陽君子之富
醫似當年李平棘仁恕其心

鮑鼎

造物不仁畢竟善人無善報
先生素志不為良相願良醫

楊曙

積善本傳家何造物不仁竟使哲人歸大夢
啣恩終未報想侏儒無福難將薄命替君身

陳維廊

十三科方脈流傳履道論六淫安道論五鬱肯堂專
論雜症君家素靈學謨述最精造物忌才欲翻金匱
遺書羽化忽歸兜率界

八九載光陰荏苒辛丑哭眉叟丁未哭誌公己酉又

哭先生羣從兄弟中凋零過半文章憎命為吊繩牀
古蹟魂來猶戀輞川圖

洪錦龍

世交垂三十年親如骨肉輒自道西河思子南華悼
此東野哭女北海吊故人老泪欲枯吾輩鍾情誰遣

遠別逾四千里邈若山湖最難堪伯道命孤仲宣體
弱叔寶神清季真多鬱塞吟身長逝彼蒼佑善獨遺
君

洪錦驄

予季共三人陟此望父陟岵望母陟岡望阿兄對王
叔和曲新情腸誰知同病相憐回首鵲原遭此難
公才高十倍是哲學家是博物家是古方技家與張
仲景並稱妙手翻恨彼蒼多忌傷心鵬賦不勝悲

洪錦

馬麒

四千里噩耗來書豈惟賤子傷心同客娣姪皆位哭
八百輩孤寒下泪為道先生歸去吾鄉痛癢有誰憐

黃曾蔭

有善行未有善報鄉邦義舉誰任其勞如何造物不
仁盛德遽然歸大夢

哭吾兄復哭吾公生死關頭原為有命所恨高堂灑
淚感情從此倍傷心

方平達

人以上壽企君藉資生活爭奈蒼昊忌才忍使高堂
悲喪子

我亦感恩知己曾沐刀圭忽報老成凋謝堪憐東越
失良醫

胡炳元

為逆境累罹痼疾終先生殊慘
以忘年交深知已感賤子獨悲

胡贊颺

芝範瞻韓夜雨連床如昨夢
芳鄰接孟秋風哀笛不堪聞

戴詠繩

萱帷望斷台鏡影孤天果何以不吊
范氏施貧蕭家濟渡君能兼而有之

鄭榮煊

桑梓間功德事無不玉成之嘗膾炙人口乃善果未
獲噩耗先傳天道昏蒙殊足怪
葭戚中大小阮相隨物化者非獨親公門多昔娛竹

林今歌薤露世情淡泊抑何堪

葉士菁

好施樂善如公能有幾人誰知天道難憑身後慨淒
涼回首重泉應抱憾
就分論親惟我曾居後輩忽報先生長逝儀型空想
像多情小子劇增悲

郭鄂

紫公亡若丈歿先是佳兒蚤世次女重殤厄運連年
又見德門壞梁木
望夫石思子臺更憐寡媳守閨繼孫在抱凋零似此

乞將靈爽護蘭枝

許維成

夙願證慈悲積厥德累厥仁迺至伯道無兒夢夢天
心報施善人何太甚
隱憂成疾攻不可達不及倏爾謝安應識悠悠塵
世那堪厄運竟頻仍

沈鳳賡

善舉於公惟最多更難參術濟人春雨杏林傳絕技
吾女亦曾蒙再造詎料涓埃未報秋風楚澤忽招魂

蔡璘

齋中舊雨每談心常從未座叨陪曩日親聞蒙診治
地下先君倘聚首為說諸兒無狀經年路校未成名

胡宗元

文物數吾鄉太原家法不減萬石君至先生學貫素
靈直超倉扁俞歧而上卅年成莫逆試追溯素箱世
業丹室醫經採訪待輜軒方技儒林應合傳
賓朋盈上座富窟豪情饒有千金產與我輩情親中
表自在蘇程盧李之間一病嘆彌留最難堪芝館仙
昇桐臺人去悽惶辜總帳雲旗風馬睽歸魂

朱寶箴

起死有良方醫中之聖

雪璞先生精醫學吾邑罕匹今年穎芳病濕舌縮
氣喘疼痛不自知似有外閉內脫之變旋蒙先生
診治僅服一劑精神復人事省是真起死回生之
妙手也以醫聖稱先生誰曰不宜

為善不獲報我欲問天

創義渡以濟人製丸藥以保嬰建學計館以勸學
辦農務會以訓農地方種種善舉先生每倡捐力
任不勝縷指今乃遽歸道山或造物忌才若是抑
吾鄉薄福所致

程穎芳

參軍集中書宅金谷花玉川茶憶當時昆季友朋千
古風流賸有吟魂依曲水
詠絮才懷清臺蘭貞賦桃葉渡欽此日鬚眉巾幘一
門節義定傳勝蹟到羅陽

林傳綬

同病久相憐縱教一息尚存誰甘自棄
善人不獲報果否九京可作共訴彼蒼

胡兆崧

精岐黃術藥石功神先生且新舊無爭甌海名醫良

不朽

哭老成人粉榆社冷賤末誠悲思獨切香山往事忍
追論

項鴻熙

蓬島歸來對鄉閭頌禱情殷物望如公心仰止
桐君仙去論今後刀圭神驗微躬善病感偏多

岑崇基

研求入理醫學專家記當年弱質抱疴賴妙手回春
深愧感恩無厚報

慷慨好施口碑載道痛此日斯文溘逝倘天心福善

定教繼起有傳人

沈亮

追隨廿載夙談醫劇憐靈素功深竟失傳人承絕學
抱病決旬遽溘逝惟愧刀圭術拙未能起死負先生

張景修

天何限醫乎有志不就成中學參西誰繼起
予將望父矣請君從此去東床叙舊切留情

薛毅

去年今日相室瀕危藉吾公起朽生枯俾予重瞻鏡
裏月

溯往懷來憂心如焚慨此後嚴寒酷暑復誰常護指頭雲

林余琮

中表情殷往昔提撕惟君最音容遽隔後來心事向誰論

鄒寶姓

搔手問蒼天何藥石無靈頓使吾儕愛莫助傷心悲中表乃萬難失在欲呼將伯屬伊誰

又

中表情深勝于骨肉曩昔武林求學慇懃任經濟問

題誰知我太不才莫慰吾兄殷培植
艾年思想更覺清明當時一室談心慷慨佈後來方法豈料言猶在耳竟將此語作遺書

鄒澣

忌日正蓮開解脫如君成佛易
療人將藥贈博施若此世醫無

項延炯

君乃長於情者陰德耳鳴咸謂善家有慶
人生其如命何驚聞噩耗皆云天道無知

王鼎彝

術精岐黃予受厚埃尚未報
名儕和緩公竟輕世而長辭

王鼎元疇

天待吾公何太薄佳兒蚤卒次女又殤厄運竟如斯
深恨德門無善報
公真愛我最多情妻藉重生身資活命大恩愧未報
祇憑寸紙奠英靈

管 綸

嗣君不祿寡姊已抱恨終身誰知血淚未乾欲作羹
湯空洗手

我父云亡賤子正愴懷無地忽報老成凋謝為陳泰
酒倍傷心

又

先君辭世未週年每聞桑梓招魂籲地呼天無限傷
心增舊感
同社老成以疾卒自恨吳門寄跡素車白馬難從故
里吊公靈

管 音

中西醫學今無匹
里社悲歌死亦榮

管海槎

貧待濟疾待醫感恩無論焉最難忘半夜談心亦勸
亦憐是平生第一知己
天之涯地之角我行安適耶每念及十年逐客多愁
多病愧不才孤負吾公

許棨

病來無別語惟冀西湖同客藉以養疴好願殊難償
竟與先君同賡憾
我行又至此回思昔日遺言頓增舊感傷心今兩度
剩將熱淚灑秋風

昔壬寅秋先君病亟時常詔鑄曰吾愈當挈汝
等赴杭藉遊西湖云云吾公三四月間舊疾微
發張公竹卿勸其旅行養病嗚呼言猶在耳而
先君逝世今已七載矣吾公逝世亦已月餘矣
今鑄又適在武林撫今思昔傷何如之

許鑄

千里盼征人那堪予弟歸遲念之難忘到死寸心終
不死身死心未死公唯望公彌留時與鑄言
一身猶故我爭奈吾公已去茲後顧此生多病賴
誰生

世風其不古彼偽君子彼真小人信口雌黃末俗人心殊可痛

羣言何足恤如斯道德如斯學術蓋棺定論一鄉善士定推公

近聞吾公逝後不肖小人竟敢戲弄筆墨譏笑吾公以盜蹠罵夷齊固不足損其萬一然鑄深敬吾公而尤深感吾公者也不平之鳴其能已乎

又

惠愛偏鄉閭醫學名家舉世如公能有幾

關懷係中表幼年多病感恩似我最難忘

方拱藻

十餘年卯翼情深先子游學季父成名曲予於全微公之力不及此一兩月膏盲病亟扶杖無孤憑棺有母若論因果彼蒼相扼是何心

林長生

吾公真醫緩後身吹噓所及默契微軀氣量不猶人曾許追陪參末席

我輩亦孟嘗門下卯翼之恩敢忘大德帛星今忽隕

應從商界哭先生

張宗藩
林慶祥

貫古澈西聖賢學問
扶危濟急我佛慈悲

陳鑫善

醫術參歐成絕學

西材濟世失慈航

張友三

夜遊常秉燭惟舍人愛結名流當年陪對鯉庭畧分
言情舊誼更兼新誼厚

夙惠擬銜環為內子廣施仁術異日行經鵲墓焚香
酹酒受恩終覺報恩遲

洪彥威

叔和發金匱之藏肘後神方救世無殊良相業
長言赴玉樓而去耳邊仙樂思親愁帶阿彌聲

張森琅

公本厚於情每因中表關懷一樣深恩同鞠育
天何羅此厄忍使兩家相對重闌暮景共淒涼

鍾炳然

十載內屢哭舅氏何六月飛霜又慟渭陽壞梁木

九原下應養老親倘百年滅度定從泉路着麻衣

林序燭

公近廿年中哭父哭母哭子哭妻兼哭愛婿弱媳後
今解脫蓋纏往生極樂
名滿四鄉內而士而農而工而商外而三教九流無
不咨嗟太息其死曰哀

僧了性

羽化飛昇此日騎鯨僊去
招魂吊哭相期跨鶴歸來

羽士趙錦洋
張寶鑑

晰居資調理納粟賴贊成來日大難未報塵埃於事
後婦豎稱良醫里黨推長者先生雖死長留口澤在人
間

朱襄

公真鄉里達人深知貿易艱難無事不關懷時與俗
流話長短
我亦經營市井常念受恩厚重聞喪都下泪那堪里
黨失賢良

工界公輓

晚

瑞安務本局石印

濟世有心鄉閭感德
哲人其萎鄰里同悲

鄰里公輓

公真懿行千秋里社衆生資活命
天不慙遺一老地方義舉藉何人

蘇光鑑

救世有良方更兼興學育嬰遠近播聲名公之死真
不朽
濟人設義渡又復施棺修路歿存感恩澤我所哭非
為私

陳成玉

滄海橫流仗吾公熱血苦心作茲砥柱
泰山崩壞痛此後風驚潮惡孰挽狂瀾

義渡夫公輓

公真物我不分深體商家多苦況
我輩庸愚無識亦知大德最難忘

林三慶
李太興
章順福

生員盛名善行善為里社咸稱積善士
歿亦不朽仁聲仁聞鄉閭皆哭失仁人

天壽堂
同裕豐
廣和

良相之譽徧吾鄉妙手回春一撮刀圭曾活我
醫家者流列方技大名垂世千秋閭史定傳公

洪錦綬

中書君自命風流寶績之華堂輞川之別墅雪園之
隱居醉月坐花賓客稱為勝會與我輩交遊情重一
門羣從上軼封胡羯末而還清閼溯章安嶽々英靈
當偕鮮尸公猶膏窆鄉望並尊鳳翼龍翰高百世
太原氏家傳方脈註樞經者砭釵外臺者燾纂溯洄
者履積編累軸古今具有成書至先生祖述功深四
大名家天下窺唐宋元明以後醫林推子接超々元著

應合金匱法玉壺丹神工共擅文章藝術各千秋

洪錦雲

平生事業承青箱白馬而來即茲家學淵源似我庸
才未獲門牆親道範

壽世聲名與叔度興公相映莫問熙朝物望吾鄉薄
福那堪山斗又傾頽

孫亮

為兩姓兒構結精廬先生誠有大志矣奈彼蒼不壽
范公石磬聲寒似哭未償推廣願

以醫學家身罹奇厄造物何其不仁乎倘我道果多

歧伯青囊春暖奚愁又弱老成人

管海槎元樁生楷

母之從弟妻之從叔痛絕家中人相對歔歔悲骨肉
父死在寅公死在酉淒然泉下路重逢涕泣道班荆

林鏞

懷教育念熱誠洞識所志在為富室範出而輸財佐
學

精醫藥術電目髮心何天不假先生年卒以養親濟
人

孫量

父方泣舍舅又蓋棺地棘天荆身世淒涼無限感
含視雖親護持莫挽海枯石爛恩情纏繞有餘悲

葉蓁

不佐綵舞以飾靈幃世事嘆無常越錦吳綾俱變色
別僅半年歸遲一日遺言莫親領海枯石爛有餘悲

許壬

夢々彼蒼心獨奈何一子先亡積善莫酬枉事佛門
說因果

遲々吾行道頓觸起六年舊感臨喪又晚傷懷故劍
倍淒涼

輓聯

十年來垂盼甚殷才慙袒腹學助巨資大德如公何以報

千餘里奔波而至疾不及侍歛不及視負心似我更胡堪

全浙法政界幸不才得風氣先年來派衍申韓飲水思源間接荷甄陶看即今桃李成陰皆公之賜吾邑醫學家惟外舅有濟世志蚤歲方傳盧扁尋苓採朮衆生賴活命偏不信參芪妙品藥已無靈

又

橘井水泉香金匱精研蓋世良醫誰敵手

竹林風露冷王郎怛化傷心小阮又成塵

小博姻兄大人學貫素靈十餘年來活人無算乃沾微疾遽脫塵鞅公姪仲綏妙年博學相繼淪逝痛乎傷哉故聯語及之

李炳光

活人具有金丹梓里共稱賢一片婆心期濟世吾宗屢推玉樹竹林難再叙數行老淚哭窮途

總服叔嶽崧

彼蒼以奇變厄余仲弟死矣季弟死矣今三弟又死矣自傷影隻形單猷有餘生撐大局

天道太不公報汝遭婦喪乎遭子喪乎復遭次女喪
乎賸此老親弱息定知費憾到重泉

大功服兄鏡澄

兄其鄭子產後身漆洧濟人盡耗一傳皆路哭
弟之陶朱公妙術鹿城作客栽培廿載負恩多

小功服弟景煦

怨彼蒼奇厄善人濟世學施醫更兼任恤傾囊何賦
鵬為災竟使吾叔悲不祿
若地下相逢我父聯牀談家事為道孤兒無狀任豪
強如故至今霸屋尚依然

大功服姪宗熙

叔近來之處境萬辣千酸妻死子死次女死更兼長
婿又死當荆棘地天毋怪衰年暗促死
姪自生所遭厄零丁孤苦父喪母喪王母喪復哭季
叔期喪悲竹林風雪何堪再護大功喪
叔於諸姪中愛我最厚知我最深回思別室談心揮
泪道先塋誓守毋忘仍舊志
公當彌留際手定厥繼手抱厥孫却怪庸夫多事遺
言猶在耳無端信口起雌黃

又

侍疾近三旬料量藥鑪徘徊茶灶續命竟無丹回首
辛勤今已矣

享年僅五十石室授醫銅盤設教不才難受荷傷心
家學竟何之

大功服侄宗耀

辛丑哭吾父丁未哭仲父子遭家多難大可悲
矣何昊天不吊傷莽竹林再弱一个
兄死於肺癆姊死於肺癆今三伯失聲致病亦若是
也憾何物為崇使哀之骨月同罹厥災

大功服侄宗楷

輓詩

世界滄桑萬劫塵漫言後果与前因茫茫天道渾難信
枉煞吾鄉積善人

青緇門第擅英奇且喜先生一見之滿目瘡痍須
補救不為良相願良醫

光陰速似箭離弦病日方長若度年五閏暑寒六十
月為兒心苦口難傳

大兒因得甫週歲輒患疳疾以至六歲或感他
症延醫調藥苦難言狀

是不良行病累身朝三提抱苦吟呻禁方風得龍宮秘

妙劑能成著手春

得兒患疳時復作嘔吐羸殊甚六歲尚不
能行常延先生診視厥疾漸瘳

肥兒餅料別搜尋記得槐堂夜正深可以療饑兼卻

病勝於方藥製千金得兒病已除食量尚少起色先生曰是宜啖以肥兒餅但市肆所售率皆

遵法舊方此別為抄尋不可馨記得辛丑年某夜深客散時先生獨坐一室挑燈構思手定秘方授馨曰此可以療饑可以卻病依方製造果效

不藥胡能病霍然 先生疑是活神仙先生嘗語人曰予治嬰孩痾疾多矣

未有如鄭某之子痾疾之甚者若紀經吾診治恐欲求慶疾而不

可得嗚呼先生其殆神仙人歟

吾兒他日如相憶始信蘇章有二天得兒七歲能行今十二歲矣而先生已歸道

山他日得兒成人皆先生之賜也

尚其勿忘 先生之德哉

先生積學務求通豈止醫人奪化工今日遊仙歸上

界還攜小阮到瑤宮

萬家生佛已同稱先生歿後里人慕義製翁孺宗風諒可

承王翁孺漢武帝時人為繡衣御史嘗歎曰吾聞活人千人者有封吾所活者萬人後世其興乎先生精醫活人無算後世必興

我弔 先生無頌禱孫曾從此慶繩

鄭德馨

世路崎嶇怨蜀道人情變幻似秋雲一鄉善士誰堪

許眾論推公自有因菩薩心腸思濟世神仙手段每

生人感恩再造富惟我婦豎銜哀到交聞

獸幸蝸廬近德門鈴聲屋角隔橋岡百年同街鄰

方舊十載聯姻情更新弱弟常蒙喬木蔭舉家

共倚泰山安分金濟困尋常事禦侮扶孤最感恩

天眼茫茫太不明善人到此憤難平階前玉樹驚先

晚詩

瑞安務本局石印

姜掌上明珠恨又傾淚灑南隄怨坦腹夢殘春草痛
穿心如公八九年來事斷盡肝腸亂盡情

惱線愁絲纏病根那堪續命竟無丹萱花日暮春傷
老湘女淚多竹染痕子職空修悲孀媳祖庭未步泣
孤孫髻齡弱息无思父滿目淒涼不忍看

賤子濫承青眼看西軒常對一燈寒十年風雨無人
夜半世牢愁向我言談到心傷惟有泪商來後事每
驚魂回思清誨猶堪憶太息先生已九原

彌留握手最殷勤教語模糊入耳酸歎愧不才難受
命僅將熱泪灑成痕交推道義公承託答未涓埃我

負恩地下若傳消息去孤兒何以慰親魂

壬寅七夕先君

先君大呼公曰吾与君一世交好又係姻家一切後事惟君是託
又大呼親翁教聲而逝八年以來公視寒門事幾如家事凡所
以教鑄等者亦无不諄之善誘公之待故人子弟也蓋如此今歲六月
三日鑄自郡回造病榻視公見公呻吟轉側為之泪下而公亦泪流不
止爰屏退家人握鑄手細語教事語雖模糊而鑄已深明其意矣但鑄也
不才難承遺命辜負深恩良深愧恨耳且鑄豈獨負公亦負先君
每念及此清夜難安

許鑄

一霎人間五十秋王喬此志作仙遊為登蘭苑逍遙
界故撤商浮熱惱洲最苦高堂揮老泪漫憐弱媳
守空樓彼蒼相待何偏薄幾使賢良悔善修
傳家詩禮又名醫誰道公年不永期積德累仁存實

惠濟嬰施藥具慈悲鄉邦舊歲凋華老閭里今朝哭
獻之天道無常疇逆料教人遺憾上鬚眉

貧富窮通本不同歸根落葉總成空徒傳極品王侯
貴漫道三公爵位隆最慘經商留異地更傷作宦教
飄蓬年來堪与先生賀骨月圓圓又善終

達人觀感信天然遑計人間未了緣且喜潔身歸淨土
不勞後顧踵前賢樂天詩集藏名利闕相園林付竺乾
誰与輞川承絕學遺書幸有嗣孫傳

方外品蓮

正宮
引子破齊陣

天道茫茫莫向報施渺々難知關蟬

庭空塗雅榻寂一片秋聲而已院落花陰逢新雨

門巷烏衣賸夕暉重前雙燕飛

雙仙
調入

風雲會四朝元

青緇門第年華正少時憶

兩人興會一般思致哀懷各自知算苔岑投契莫

苔岑投契說不盡五大寰球歐美東西測算繕書

畫圖製器舊事後頭記

啖重學較輪機並世無人

習此屠龍技局外任譏嘲不求名与利偏說得此

廣彼和叨叨絮絮無窮滋味

往歲重學輪機及水阻量

船行速率製以測之有嗤

君者勿顧也又与文創西書社

前腔

存心救世除是作良醫想方書攷究專心

晚寺

瑞安務本局石印

致志樂此不言疲幸年來無事幸年來無事因此
上師法長沙祖述軒岐炮炙雷公外臺藥劑各
窮精義嗟醫學貫中西妙手回春合邑稱神技滿
目盡瘡痍眾生思利濟竟弄得東奔西望忙碌
碌消磨斯世君嘗言眾生無病吾無病眾生有病
吾有病云云真菩薩心腸也

前腔 病根深矣伊誰解救之忽周身壯熱有
溫瘧時醫竟莫知說風侵喉鼻說風侵喉鼻勉
自支撐言語音低砭肉傷肌肺核蔓滋徑入膏
肓裏嗟論症語支離內外專科束手都無計湯
液竟難投水漿安知味一任牀幃展轉奄閤

瞑然長寐

前腔 自君之逝靈兒怎安歸聽呼聲慘切

重回里第門闔是也此憶三槐故地憶三槐故地小
阮游仙形影追隨攜手牽衣生時無異同住瑤
臺裏嗟家難不堪提華屋山邱誰喚陳人起楚
些為招魂君靈應來矣但見鑪香結篆悠悠裊
裊迴旋空際

尾聲 我登堂弔唁空垂涕只見有丹青一紙願彼
蒼默祐文孫降福福昌後嗣

洪炳文



附刊王君仲舒
哀輓錄

鍊百題

祭文

惟清宣統元年八月丁丑朔胡建東以山羞野酌

祭於譜棣王君之靈曰惟君品重瓌奇才姻風雅從

學濟陽伴吟窗下于戊戌與君逸君同受業月夕清樽花晨

陶寫倏焉別袂希音和寡門甲辰余始侍吳君遊泚水

越歲君遊學于我瑞滬濱余在滬肄業數不期薛若

杭適自杭告假膠漆雷陳與君化在專修學業談竟發明發驪

駟里遇諸中浦膠漆雷陳與君化在專修學業談竟發明發驪

駕即返里瞻望行塵碧荷送夏金桂飄新流光駒遷

載揮談塵里余與君月因疾回荆牀况味學余屢勸以家遊

負自蘭交訂譜與余月間盟君飛雲醉觴去秋余輒復以家遊

閣雲墜歡縈緒越年造廬梅瘦安宇今夏里訪周于友于

弱不室已瘦相如病渴余臨行君囑余購梨去君已不

及長吉修書兼旬知君仙去上辭白髮下棄繡繡風
流頓盡天道何與悵懷奠饋屑涕歔歔嗚呼哀哉

胡建東

中元前二夕王君仲舒疾卒正寢我輩以為大戚臨
其喪為文以哭之曰嗚呼仲舒今安在耶予早慮仲
舒之死而仲舒果死矣然時時見吾仲舒之貌狀玉
立若干尺如孤雲野鶴翩然欲登僊又有若瑤林瓊
樹秀且挺於風塵表者彷彿想像時一見之不覺吾
友之云亡也昔過君家昆季以中表至則皆喜雖蘓
東坡之待程德孺杜少陵之交狄博濟不是過也今
仲舒竟不見而獨見乃兄嗚呼仲舒果死矣因與同
人痛哭失聲君豈聞之耶前夜曾夢君握余手曲叙

舊情歡笑異常然則仲舒又未必死也余自從君逝
後嘗就寢門為位而哭然不遽為誄者以未知弼留
時始未忍泣言為誄非所以重我仲舒也今令伯兄
乃為余言仲舒疾革整襟危坐強起拜二親別羣從
反席而歿神識不亂嗚呼今而後仲舒果死矣前因
後果彼此休論死別生離古今恒有余與中表哭者
姻婭之情而仲舒笑者蓋夢中猶不屑為兒女子之
態特恐為達者哂耳念昔與羣季游時至君家所
謂水竹居者相與宴遊談笑忽忽廿載不意遂已隔
世今獨對其伯氏嗟悲感者久之廬外有齋余常與
宅眷延醫訪令叔中書君時或相遇相與對榻常盡
興飄然而返令兩君者皆逝而停靈之所即舊遊之

故處余能無悲乎去矣仲舒豈知兩三餘月之後我
儕之哭於斯耶前臨后河後望霞山風雨晦暝嗟魂
有靈可以歌嘯所憐者余丙午年見君自武林歸貌
甚肥歸後遂不復遠遊余益悲仲舒志雖鬱而少時
氣概尚在也然仲舒冠婚出處悲歡離合歷歷過目
如電光泡影欲少勾留不得然則余輩之體多弱行
當自知之矣悲仲舒兼自悲己人謂仲舒之文章福
慧非生天即成佛又何必戀此紅塵為也仲舒若
念我與諸人受此一滴安知不已下龍華降兜率未
盼來饗特我與諸君不能見爾時際殘秋木葉黃落
呼僮酌酒對靈而泣誰為我迎神而送神者乎哭汝
既不聞汝言奠汝又不見汝食紙灰縹緲香篆氤氲

靈之來兮猶隱々如聞彈淚聲也

嗚呼哀哉嗚呼哀

哉尚饗

洪彥謙

孫大衡

嗚呼仲舒君何為而死耶君疾果不可為耶抑藥石
之誤投耶或為中原多故世處瓜分而不忍目覩耶
抑或因竹林之下風雪淒涼小阮竟隨大阮而去耶
抑或哭三令叔過哀雞骨支牀而傷其天年耶更疑
有從兄蔚廷呼阿弟而同歸共修文章於地下耶抑
以慧業文人偶謫塵世而情緣一斷得成正果於天
宮僊苑間耶或因造物忌才不為長吉之嘔心而為
仲寶之愛促而殞其生耶抑以司天氣運不利於君
生酉死酉而應讖殆在雞夢耶嗚呼仲舒死矣吾聞
諸佛氏之說死歸也生寄也人生非金石安能長壽

考夫死固人所必不能免也有宜死有不宜死有可死有不可死可死而不死在世為附疣矣宜死而不死在家為懸瘤矣而君乃大不然君有不宜死者三有不可死者一君生平之順境足為吾輩所健羨椿花燦爛萱草交輝家庭之幸福天倫之樂事洵完全矣豈與鏞等所可同日語哉鏞等有母無父已大可悲矣每見夫君兄弟雍然以順肅然以孝修定省於晨昏侍雙親於無恙殆如景星慶雲之間出奇花異草之流芳以鏞等視之不啻神仙中人也而君何以遽死拋高堂而不顧而一瞑萬古矣使老人喪愛子日暮泣成血痛何如之君其不宜死者一也君有兄弟二人棠棣相輝友朋與共怡之日月交相敬

也大有伯氏吹壎仲氏吹簫之樂殆如銓錫之二王可謂玉友金昆矣一旦雁行失序令原興嗟致池塘生春草之嗟荆樹悲落花之嘆多情阿兄蕭索甚矣君其不宜死者二也君之寡妻尚在青年君之遺孤尚在孩提君何忍心若此至死而不知眷戀默無一言遺囑使嫂氏空幃獨守灑淚秋風日上望夫之山夜發思君之嘆能不為之寸斷柔腸乎而環顧孤兒益傷我心矣嗚呼之歲月呱之天年全賴家庭之教育扶持之調護之使其得以成立今君騎鯨一去飄然不返鯉庭之訓將誰屬乎君其不宜死者三也天下最可悲可慘可痛可恨者毋過於君之繼令三叔而死也令叔雪公鏞之叔岳也主之外舅也雪公

為一鄉之善士蓋棺論定益信然矣乃善因已播善果未獲已恨彼蒼之夢々矣幸而楹書遺硯付託有人雪公之遺命擇定君之次子為承重然君之次子尚在抱一切喪禮均由君恭代不謂令叔首七以後而君以濕溫致病遂悲不祿矣嗚呼痛哉令叔既以君之次子為宗祧而家務主權必歸於君代操之而不令旁落使虎視眈々者無所施其技君今死矣而今叔家之後事益不可問矣倘令叔九原有知得與君晤面未有不歎歔太息曰范々後顧主持其將何屬乎君其不可死者又一也嗚呼以不宜死之仲舒而今死矣以不可死之仲舒而今死矣君竟死矣夫復何辭矣獨念鏞等與君交最厚晨夕過後十有餘

年矣以雷陳管鮑之交好結王袁盧李之姻親故於君之行詣知之稔矣君美丰姿面目姣好冰雪精神梅鶴風度望之知為瀟灑人也且處父昆弟之間無間言慈祥孝弟久為鄉里所稱道而於戚誼更加篤焉鏞等其能忘情乎規勸若師友親愛若弟昆每當更闌人寂促膝談心柳暗花明造廬訪舊望江橋畔釣遊之故址依然水竹軒中子敬之人琴已杳惟有寒蟲唧々叫徹秋風矣嗚呼慘哉茲丁五七敬以清酒一酌菊花一樽肥蟹一盆奠君君如有靈其未享之聊當飛雲之餞別而已哀哉尚饗

嗚呼仲舒天道無知何方妙年遽止于斯觀子平生

許林鏞

內行純粹事父事母晨昏弗懈既睦伯仲又諧伉儷
炎暑鬱蒸當夏之季以從父疾勤問盡禮及從父終
悲不能止子質素羸病緣茲起寒熱交侵竟長逝矣
嗚呼稚子哀々孱廢連枝氣短高堂心摧曰仁者壽
私故信之如何斯語今乃吾欺嗚呼吾子子妹歸吾
姻戚數重葭莩附久因姓阻省妹永恨負追思前日
子病畧瘳視子床下深為子憂子曰俟痊共酌清秋
言猶在耳神已遙遊嗚呼哀哉秋風起兮秋草萋々
木葉漸衰鴻雁南飛蕭々總帳泣奠一卮子如有靈
其庶格思尚饗

孫量

昊天不吊降集百殃七月十三日戌刻吾三弟仲舒
又以疾卒於寢距三叔父舍人公死忌僅逾三十七

日也嗚呼痛哉余鮮胞兄弟惟羣從四人是視蔚弟
不幸以肺癆致死不克永年楷弟尚年少未諳世事
伯弟但善會計精疇人之學於筆墨一道未甚講求
足為余論文講學問難質證研究六經鼓吹諸子者
惟三弟一人耳何忍棄余而從蔚弟游耶而使余抱
無已之悲也已論吾弟五行命相俱無死法為人直
道無他腸寡言鮮笑溫々如也讀書力學穎悟過人
稍々能文矣得修業於杭州中學矣特為伯父母鍾
愛不令遠遊而吾弟亦以父母之心為心不願稍離
膝下以闕菽水之歡比年以來家居無事雍々然侍
晨昏之奉怡々然賡壙簫之吹實令余傾之慕之健
羨之而不堪自反耳以吾弟之順境春秋亦復鼎盛

何以死何以早死何以病至二十八日而遽死命耶
數耶抑藥誤之耶此真壽者不可知而理者誠難明
也余自弟死後索々無真氣滿腔積念百感皆來既
痛逝者益悲三叔也何以言之三叔之遺命以吾弟
之中男為承重一切喪禮哂々者未能均由吾弟代
行之即家務主持亦由吾弟攝政之居中馭外總理
紀綱大權亦不致旁落不謂三叔之骨未寒肉未朽
而吾弟又捐賓舍矣嗚呼痛哉今而後三叔家之事
益絲亂難理矣倘地下有靈得與三叔晤面談到茫
茫後事未能不相向痛哭而嘆門祚之衰微也痛何
如之茲丁六七之二日敬以杯酒奠汝以銷永訣之
憾而已嗚呼哀哉尚饗
大功服兄宗熙

輓詩

束髮趨庭讀父書綺年順境有誰如曩時花信樓前
路載酒曾停問字車往年曾從
闌珊瘦骨已難支正是彌留欲化時恨煞參苓療太
晚嗟余知病不知醫病已漸愈中氣不足服補太遲
磨蝎臨宮可奈何朝來愁向鯉庭過黃瓜臺畔空思
子此際雙親老淚多
風折荆枝花半稀東西勞燕各分飛堽麓此後誰賡
和夢草池塘事已非
遺孤文祿正爛斑黃口紅顏淚雨潛自恨此身難化
石望江橋作望夫山
卅歲羊曇便賞音瓊琚玉珮舊情深渭陽別後前塵

香無限傷心是竹林子生母舅為余從
 綠鬢翩跹妙少年文人慧業每生天怕看寶瑟玲瓏
 樣廿五芳齡廿五強自是曇華偶現身蘭苕標格雪精神那堪水竹居猶
 在不見芳園小主人
 一曲虞歌聽未終鴛鴦又復隕罡風不痴尚有君家
 叔定向泉臺喚阿戎
 是何緣分是何因只住人間五五春從此逍遙仙世
 界來生莫再墮紅塵

洪炳文

欲訪人琴已杳冥不須絮酒奠幽靈儂家唱出燒香
 曲有國初查初白贈家昉思上舍定使王郎掩淚聽

一點靈光墮九泉新亭名士散如煙玉樓下召緣何
 事自古修文愛少年

仲寶年華半錦弦文星忽落少微邊翩跹濁世佳公
 子不羨鴛鴦獨羨仙余詢性穎悟絕倫當向

伉儷同心遽別離佳人才子兩相思春風辜負臨川
 筆誰向金閨學畫眉贈婚具余亦眉筆上刊云西眉須

昔從滬上訪歸途多少交遊醉酒鑪但說揚州花月
 好真無人識董江都昔賢以人恨甥嘗自武林歸游滬

花信樓頭昔問師子甥為家君高弟趨庭我羨鳳雛姿
 友餞飲外未嘗一甥諸江都為恨甥嘗自武林歸游滬

早知阿士原來慧家從後甥才長酷似其舅云不待文

章類舅時

可憐才調可憐身誤汝青春是怎人翻惜靈和池畔
柳不教張緒見丰神病後須補劑以免陰火生謂是

醫家初不避其議旋惑不於他後須補劑以免陰火生謂是

瓊樹瑤林倡寡傳無端一病嘆彌留傷心愁過烏衣

巷封篋雙親半白頭至世說晉王導愛子悅亡後導每

遂封其篋述不忍聞余斑色故媼云往別處輒為痛哭悅母

獨倚危樓思悄然蘭盆時節蚤秋天風前花落知多

少不見吟詩謝阿連謂南史謝貞幼慧後舅王筠落乃

追步惠連矣詩如絲想見王孫話舊時甥昔年開門上

半間堂上雨如絲想見王孫話舊時甥昔年開門上

名觀蟋蟀亦從此年之芳草綠吟魂定唱鮑家詩

輓甥哀聯有又憑
芳草泣王孫之句

望江橋北藕湖西去訪遺踪路欲迷不見高人王次

仲幽篁無語鳥空啼次甥仲行仲故用

莫云真帖落誰家人對蘭亭感歲華記得今春風雨

夜臨池為我學簪花甥工于八法嘗喜看衛茂漪簪

和每倩書甥代書

生已吞聲死若何別甥曾讀謫仙歌甥詩云能成別後

宅相不減渭陽我送元陽去應比青蓮淚更多

黃浦歸來四五秋當年宅相擅風流故人猶有楊憑

在還向江南溯舊遊楊太原王仲舒甥與楊憑為友鄰友

競稱佳同人作人

青衫濕盡向江州語極哀天有銘金石甥墓碣滿地瓊瑰

散未收苦然靈前雙燕子重來不識仲宣樓

生埋玉樹一般空阿買先亡後阿戎此去蓋宮仙路

遠不知何處訪芝童余故從姪公勤茂才歿後降鸞

最契故及中與甥世交卅載已蹉跎大阮交情付逝波莫問輞川舊風

景天花散盡老維摩先令叔舍人公善醫平生以

南柯醒後吊幽魂猶記靈來說病源流水落花春去

盡了人殘夢是修園

年來親故病紛紛回首黃壚隔暮雲我亦陳思悲逝

者應劉去後又思君余故友李一齊明經郭叔侯姻

三瑞家風且莫論門楣賴有女嬋存余從姊三人惟

詩成為祝文中子導人明經好公後福團團望子孫

絕妙孀閨詠絮才楹書日夜課香孩宋時夾馬營別

瀧岡自有千秋表留待他年永叔來

洪錦龍

君家悲阿大我涕亦如縻陳寔喪方會山陽笛又吹

妙才猶未展天道更何知賸有竹林徑秋風落葉危

八線西來日何人學最精相期修偉業通君兄弟皆孰

料不長生早負李常譽誰為深父銘臨風長灑淚姻

姪失時英

君家兄弟睦伯氏更多情同抱脊鴿痛從弟楚滋先

可忍聽鷓鴣聲鳴原終莫和芳草或重生恨殺池塘

雨蕭蕭夢不成

吾妹頗賢淑何堪失所天驚心蒿里曲矢志栢舟篇

遠道猶郵問君卒後數日家哀音敢蚤傳慇懃修函
荻藉以慰黃泉

項葆賢

偶爾由杭省居然抵滬濱止緣看愛弟卻遇故鄉人
凶信驚心亟秋風灑泪頻甌雲何慘淡遠望自愴神
盛暑離桑梓他鄉滯客游別君逾一月與我竟千秋
聞訃真疑幻臨風痛更愁此生難覩面私恨自悠
我病君頻問君亡我未歸寢門差一慟旅館有遺悲
秋水懷人意西風寄遠思生芻何日奠積淚已成詩
每數生平友追思里巷遊光陰曾幾載年少半東流
世事如棋弈人生一泡漚回頭無限感多病更堪愁
四月清和節添丁幸託天桑弧曾誌喜湯餅待開筵

痛飲誰成約傷心諾未然歸來如設宴好月亦難圓
四月間予得一子君登門賀戲屬予開筵志喜余曾
先以中秋賞月藉補湯餅之會今中秋漸近而君與
我思已一愴然矣
死者魂長逝生人痛欲癡遙知雙父母慘對兩孤兒
思子臺方聳懷孫心更悲肝腸應寸斷老眼淚垂
况有青年婦塵緣一夢虛撫碁空泣血望石幻成夫
秋月照人冷深閨顧影孤靈魂如不昧能憶此情無
更有呱者喁學語初廼隨三叔去忍使兩兒孤
君自遊仙國誰教讀父書有兄能護惜他日壯門閭

許鑄

輓聯

青緇門第錦瑟年華奈霎時一病彌留泉路偕歸小
阮竟隨大阮去
花信從遊竹簟侍隱悵此際兩家對泣虞歌互聽南
垞益動北垞悲

洪炳文

半生期許尤深大雅不羣類舅當如諸阮貴
數月索居已久清淡誰共可人無復阿戎來

洪炳鏘

死生成大數傷阮氏才多匝月玉樓頻促召
天道本難知歎王郎年少連番金屋聽啼嬌

胡福臣

兩三年教學相隨方期鐵硯功深聯袂特為昆季望
廿五載浮生若夢詎料玉樓召促撫棺痛煞父兄心
方平章

嗣君正竭力維新可憐壯志雲高遽棄雙親歸淨土
南浦忽驚聞噩耗太息年華鼎盛竟捐萬事付東流

金祖勳

蕭史已飛昇萬里秦庭猶寄問
伏波何所往一家兄子亦隨行

項方蒨

下世是英年豈惟叔父魂驚乃祖有靈應戚
通郵遭斷綫難以病形說與哀音傳到亦遲

項方良

舅甥睽隔有四千里之遙上下江倦鳥飛還琴杳人
亡半載別離成永訣
叔姪隨亡在三十日以内大小阮騎鯨齊去朝歌暮
哭兩家涕淚具同悲

項方昕

哭仲父過哀竟使妙年辭塵世
侍雙親無恙那堪含淚到泉臺

孫詒澤

可兒負當世之才羣季欣然每對同懷誇宅相
阿士赴修文而去老夫髦矣更擡慧眼看彌甥

洪錦淮

同懷三姊妹惟伯氏最得光榮乃舉案慶雙全綵舞

方新子舍忽驚蘭玉折
下壽五十齡悲令叔既成長往奈問年剛及半銅盤
未冷泉臺竟赴竹林游

洪錦瀛

咳名如昨日庶幾宅相成材人閱人能得幾時俄見
修文歸上界

生世不長年幸有妻兒相送才不才各言其子能無
遺恨慟西河

洪錦標

對影成三人最難堪此望父姑望母陟岡望兄孤露
歎無依獨女嬋平日相知展我甥兮乞墅多承曇下
顧

別時慳一面并不知病何狀歿何時彌留何語浮生
真若夢痛阿士少年蚤世不如叔也享年半及瑗知
非

洪錦

洪錦

外家筮仕在遙方聞病郵詢令我答書難下筆
再索中男夸俊物承桃祖逝更遭失怙倍傷心

洪錦熙

其孝友素性內無間言其仁慈本心外播美譚由少
壯以迄二週百行完全此去定然享大壽
在荷花生日叔賦西歸在蘭盆勝會君遊地府統先
後僅逾一月兩家對泣入門安得不傷心

管瞻雲

義之書法江左才名雅量具非凡里社才人皆刮目
阮藉云亡阿咸繼逝德門遭此厄鄉閭善士盡灰心

又

文情鴻麗筆勢龍蟠方期壯志能售門巷烏衣光子
弟
氣象溫和儀容偉茂詎料英年遽逝高堂鵲淚泣王
孫

薛毅

椿萱具慶棣萼聯芳喜諸郎繞膝含飴順境如斯同
社少
步兵云亡阿咸繼逝悵此日登堂吊唁周親似我感
情多

朱寶箴

志高鵬舉折翼曷飛憶萬里前程太息少年成晚景
歌慘鵠原吹簫失和對一庭涼月那堪老淚泣秋風

章明申

君其王仲寶後身慧業文人自古均招造物忌
我乏張長沙妙術尋苓採朮于今空負彥方名

張景修

雙親健在司徒亦少小不凡君今正厯亨衢何落々
英年薤露興歌驚物化
大阮既殂阿咸復追隨而去我適相連衡宇聽蕭々
水竹秋風和笛送悲來

朱襄

哭令叔宿淚未乾何堪落々英年遽悲千古
別高堂啣哀而去即在茫々泉路應眷雙親

劉青選

兄殆子安其人可憐玉樹長隴絕代清才遺箸定當
留綠雪

我守時珍家法適值荆枝折斷滿懷惡感活君恨未
進元霜

李式夔

子安蚤譽景畧奇才大器望有成太息先生何不壽
開府先殂右軍踵逝玉樓驚兩召知交似我更傷心

李式晟

舊雨淒涼曾碎孤琴哭鍾子

秋風容易又憑芳草泣王孫

仲君洪君五平之從甥也前予與五君同任本隅校務時往訪五君常與君遇坐談時事語極和平誠恂恂君子也五君逝未逾年而君又逝令予益增舊感

鮑鼎

愚園餞別黃浦停車回溯舊遊蹤曾記申江花月夜竹院風酸槐庭蔭減淒涼增感慨頻驚隔巷杜鵑聲

楊曙

賢才短世生如夢
姻婭遙方病不知

項廷炯

孤山處士五柳先生雅量迥超凡白雪陽春梅萼精神高志趣

仲寶年天子敬琴竄姍姍居中表愁雲慘月蘭盆時節哭英靈

林序驥
燭

文章道德兩擅其長方期旭日上升能使高堂希望慰

事業功名諸多未了詎料秋風驟至痛隨季父夢魂游

陳拯中

曾幾何時歎戚黨中連喪四青年惡耗駭頻傳每懷渺渺故鄉甌海雲烟無限感

越一月餘赴重泉下追隨三令叔相逢應訝速譚到
茫：後事竹林風雪不勝悲

許 棨

鄉里老成頻凋逝一月間聞軋齋吾友申甫年伯並
繼令叔雪公僊去客旅疊凶音桑梓關心好友三更

曾入夢

前數日曾夢君來談笑自若恍如平日

戚黨少年何不壽四載中哭公勁表姪五平表兄以
及表弟偉任而後知交半鬼錄天涯墮泪秋風千里
又悲君

許 鑄

予弟來傳病狀方期厥疾有瘳後會待班荆月夕花
晨水竹軒中堪道故

故人相遇滬濱忽報先生長逝異時歸訪舊人避室
適望江橋畔最酸心

又

君負特達才霎時頓杳人琴槐陰門庭悲失望
我居姻婭列異日重過竹院夜寒風雨不勝秋

趙樹聲

負正直聰明特達之資恨帝天竟厄通才厥疾勿瘳
遽奪雄心歸淨土
拋父母昆弟妻孥而去知泉壤相逢乃叔靈魂不滅
應向仙府泣酸風

蔣 慕 建 忠 嚴 新

落：故交情中表親新舊姻金谷昔宴游羣季風流

雙美合
翩：佳公子長吉命仲宣病玉樓今赴召文人福慧
兩全難

洪彥威

秋風瀟：露泥：讀少陵寄懷姨弟狄博濟詩獨愴
然而涕下
游龍矯：雲飄：論右軍善師大家衛茂猗法乃逝
者以書名

鄭煥宗

昔侍濟陽學與我相親蘭譜復聯盟祇憐契濶頻年
但有尺書常問訊
近從江左歸聞君小極荆床曾視疾誰料叮囑數語

竟成永訣倍傷心

胡建東

年來素仰先生詎知厥疾勿瘳無限深情隨泡影
地下若逢令叔為說私恩未報有靈應量我疏庸

葉 蓁

中表兼郎舅舊特新姻無論焉最難忘管鮑分金雷
陳知己

阿咸隨大阮重樑一堂觸目矣尤慘絕槐庭夜月竹
院秋風

林 鏞

滬濱相訪四弟昆無端噩耗傳來空有蜀茶千里寄
地下若逢三令叔為說生前辜負待酬却鑑十年恩

許壬

三旬間侍從父疾忘餐廢寢孝弟洵足稱那堪二豎
乘虛音容頓渺
兩載餘與吾子交位膝談心情懷最相契豈意一朝
長逝風雨增悲

孫量

仲弟年年華鼎盛何厥疾勿瘳豈以哀毀過情厭世
歸真作速褰裳隨大阮
三叔家家事披靡哭先生早死此後收回自主居中
馭外幹旋領袖屬何人

大功服兄宗熙

昊天不吊降奇殃誰知叔骨未寒落：阿干又復道

遙歸極樂

魂魄有靈逢從父為說我心辜負茫茫後事未能底
定障狂瀾

又

祚薄門衰又哭汝
竹林春草共含悲

又

歷數諸昆中惟四兄福命最佳瑤草琪花骨肉完全
誠幸事
孰料彌月外繼三伯後先並逝門衰祚薄昊天不吊
降奇殃

大功服弟宗楷

芙蓉樂府預告

此書為東甌瑞安洪棟園主人所著主人慨時局之艱難憫牙片之流毒於光緒甲辰年未奉禁之先決其必有中外合禁上下同禁之一日預撰此編以為左券所叙情節則以莊叟之寓言代聖賢之言語借仙佛之心腸寫晚近之狀況而曲文斐美音節鏗鏘此書雖多不待本局之贅言也此書不日出版前特設預約券如先售此券者每本計大洋一角出版後概售大洋貳角先此廣告

宣統庚戌冬月

瑞安務本石印書局謹啟



溫江府國公館